

**Dr. Meliha Bašić, redovni profesor, predsjednik Komisije**  
Univerzitet u Sarajevu - Ekonomski fakultet  
Oblast: Računovodstvo i revizija

Broj akta: 02-4292/22

Datum: 19.9.2022

**Dr. Haris Jahić, redovni profesor, član Komisije**  
Univerzitet u Sarajevu - Ekonomski fakultet  
Oblast: Računovodstvo i revizija

**Dr. Ševala Isaković-Kaplan, vanredni profesor, član Komisije**  
Univerzitet u Sarajevu - Ekonomski fakultet  
Oblast: Računovodstvo i revizija

## VIJEĆU UNIVERZITETA U SARAJEVU - EKONOMSKOG FAKULTETA

Na osnovu člana 106. i 135. Zakona o visokom obrazovanju („Službene novine Kantona Sarajevo“, broj: 33/17, 35/20, 40/20 i 39/21), člana 104., 190. i 205. Statuta Univerziteta u Sarajevu, Odluke Senata Univerziteta u Sarajevu broj: 01-7-54/22 od 25. 05. 2022. godine, prijedloga Odluke Vijeća Univerziteta u Sarajevu – Ekonomskog fakulteta od 05. maja 2022. godine i Rješenja Dekana broj 02-3862/2022 od 06. 09. 2022. godine imenovani smo za članove Komisije za pripremu prijedloga i Izvještaja o izboru jednog nastavnika u zvanju vanredni profesor, puno radno vrijeme, na oblast „Računovodstvo i revizija“. Na predmetni konkurs, za zvanje vanrednog profesora, koji je objavljen 21. 07. 2022. godine u dnevnom listu „Dnevni avaz“ i na web-stranici Univerziteta u Sarajevu - Ekonomskog fakulteta i Univerziteta u Sarajevu prijavila se jedna kandidatkinja: dr. Lejla Demirović.

Prema Potvrdi Službe za pravne i personalne poslove broj 07-6-3597/22 od 08. 08. 2022. godine prijava sa priložima kandidatkinje dr. Lejle Demirović je blagovremena i potpuna (uredna) sa uslovima utvrđenim Konkursom od 21. 07. 2022. godine.

Na osnovu pregleda prijave i priložene dokumentacije, ocjene naučno-istraživačkih radova, pedagoške i profesionalne aktivnosti prijavljene kandidatkinje, Komisija podnosi Vijeću Univerziteta u Sarajevu - Ekonomskog fakulteta sljedeći

### IZVJEŠTAJ

Na raspisani Konkurs za izbor nastavnika u zvanju vanredni profesor, puno radno vrijeme, na oblast „Računovodstvo i revizija“ javila se jedna kandidatkinja: dr. Lejla Demirović.

Kandidatkinja je dostavila urednu dokumentaciju i priložila neophodne dokumente. Nakon pregleda dokumentacije i obavljenih neophodnih procedura u tekstu Izvještaja iznosimo najznačajnije informacije koje su poslužile kao osnova za prijedlog koji Komisija upućuje Vijeću Univerziteta u Sarajevu - Ekonomskog fakulteta.

## 1. BIOGRAFSKI PODACI

Dr. Lejla Demirović rođena je 15. 01. 1984. godine u Konjicu. Osnovnu školu i Srednju školu – Opća gimnazija završila je u Konjicu, a Ekonomski fakultet Univerziteta u Sarajevu, dana 16. jula 2007. godine, smjer Računovodstvo i revizija, odbranivši diplomski rad na temu „Analiza izvještaja o novčanom toku“ i time stiže zvanje diplomirani ekonomist.

Akadske 2007/2008 godine, upisala je postdiplomski studij na Ekonomskom fakultetu Univerziteta u Sarajevu, smjer Računovodstvo i revizija. Položivši sve ispite predviđene nastavnim planom i programom na postdiplomskom studiju, stekla je uslov za prijavu teme magistarskog rada. Magistarski rad na temu „Računovodstveni aspekt spajanja i pripajanja banaka“ rađen pod mentorstvom prof. dr. Melihe Bašić uspješno je odbranila 16. marta 2012. godine i stekla naučni stepen Magistra ekonomskih nauka.

Svoje školovanje 2013. godine, doktorski studij, nastavlja na Ekonomskom fakultetu Univerziteta u Bihaću. Doktorski rad na temu „Računovodstvene politike rizika plasmana sredstava i njihov uticaj na finansijski rezultat banaka“ rađen pod mentorstvom prof. dr. Senade Kurtanović uspješno je odbranila 21.11.2015. godine i time stekla naučni stepen Doktora ekonomskih nauka.

Nakon završenog dodiplomskog studija, u oktobru 2007. godine, zapošljava se u Razvojnu banku Federacije Bosne i Hercegovine (tadašnju Investicijsku banku FBiH d.d. Sarajevu), gdje obavlja svoj pripravnčki staž do oktobra 2008. godine, kada zasniva radni odnos na neodređeno vrijeme na poziciji Saradnika za plan, analizu, i informaciono izvještavanje u Službi Računovodstva Banke, a potom na poziciji Koordinatora za plan, analizu, i informaciono izvještavanje u istoj službi Banke gdje ostaje zaposlena do 27.09.2016. godine.

U periodu 2007-2022., kandidatkinja je intenzivno radila na sticanju znanja i iskustava iz različitih disciplina iz oblasti računovodstva i revizije i s tim povodom odslušala je više seminara i kurseva, kao i više seminara iz područja implementacije MRS/MSFI u bankarski sektor FBiH u svrhu mjerenja i knjigovodstvenog evidentiranja kreditnog rizika. Kandidatkinja je uz prijavu na Konkurs priložila i kopije certifikata o poznavanju engleskog jezika i kopiju certifikata o poznavanju rada na računarima.

Od septembra 2009. godine pa do danas, kandidatkinja je zaposlena na Ekonomskom fakultetu Univerziteta u Sarajevu na poslovima asistenta (nepuno radno vrijeme), višeg asistenta (nepuno radno vrijeme), te docenta (puno radno vrijeme) na oblasti „Računovodstvo i revizija“.

U zvanju asistenta i višeg asistenta kandidatkinja je izvodila vježbe iz sljedećih predmeta: Računovodstvo banaka, Revizija poslovanja, Menadžersko računovodstvo, Računovodstvo neprofitnih organizacija, Računovodstvo finansijskih institucija, Računovodstvo trgovačkih organizacija, Finansijsko računovodstvo, Troškovno računovodstvo i Finansijsko izvještavanje.

U zvanju docenta na Ekonomskom fakultetu Univerziteta u Sarajevu u periodu od 2016 - 2022.godine imenovana je izvodila nastavu na I i II ciklusu studija iz sljedećih predmeta:

I ciklus studija: Računovodstvo finansijskih institucija, Finansijsko računovodstvo, Revizija poslovanja, Računovodstvo neprofitnih organizacija.

II ciklus studija: Računovodstvo finansijskih institucija II, Budžetsko računovodstvo, Računovodstvo finansijskih institucija, Budžetsko računovodstvo i izvještavanje, Finansijsko računovodstvo i MSFI, Finansijsko računovodstvo i finansijsko izvještavanje, Eksterna i interna revizija.

Kao što je iz prethodnog pregleda vidljivo, kandidatkinja dr. Lejla Demirović osim izvođenja nastave na Ekonomskom fakultetu u Sarajevu ima bogato devetogodišnje iskustvo rada u službi računovodstva bankarskog sektora na poslovima računovodstva i finansijskog izvještavanja.

Kandidatkinja dr. Lejla Demirović pored nastavnog angažmana permanentno je prisutna i u privredi, kao član u odborima za reviziju (Union banka d.d. Sarajevo, Razvojna banka Federacije Bosne i Hercegovine), što omogućava poseban doprinos u nastavi na predmetima koji su vezani za računovodstvo finansijskih institucija na I i II ciklusu studija.

Dr. Lejla Demirović autor je i koautor više naučnih i stručnih članaka iz oblasti računovodstva i revizije, kao i član timova u izradi istraživačkih projekata Metodologija rada, procjene rizika i planiranja interne revizije AS Holding d.o.o. Tešanj i Program prevencija prevara AS Holding d.o.o. Tešanj.

Od izbora u zvanje docent bila je mentor brojnih diplomskih, te više magistarskih i završnih radova, i svi su uspješno odbranjeni pred komisijama.

Od školske 2018/2019.godine kandidatkinja je angažovana u nastavnom procesu na Ekonomskom fakultetu Univerziteta u Zenici i izvodi nastavu iz predmeta „Upravljačko računovodstvo, odlučivanje i kontrola“ i „Prognoziranje zasnovano na finansijskom izvještavanju“ na Master studiju.

Kandidatkinja posjeduje zvanja iz računovodstvene profesije: certificirani računovođa i ovlašteni revizor, kao i licencu za profesionalno zvanje certificirani računovođa. Uz to kandidatkinja je kontinuirano angažovana na izvođenju nastave, pripremi nastavnih i ispitnih materijala u programima za sticanje zvanja ovlašteni interni revizor (privreda, banke i finansijske institucije, javni sektor, osiguravajuća društva) u organizaciji Akademsko strukovnog udruženja internih revizora u Bosni i Hercegovini.

Uz redovna nastavna zaduženja, kandidatkinja je u periodu od 2015.-2021.godine uspješno obavljala i poslove sekretara Katedre za računovodstvo i reviziju.

## **2. NAUČNO-ISTRAŽIVAČKI RAD**

Kandidatkinja dr. Lejla Demirović aktivno se bavi i teorijskim istraživanjima što ilustrujemo autorskim/koautorskim doprinosom u izradi ukupno četiri univerzitetska udžbenika i 22 naučna i stručna rada, čiji spisak slijedi:

## 2.1. UNIVERZITETSKI UDŽBENICI I PUBLIKACIJE

### 2.1.1. Udžbenici nakon izbora u zvanje docenta:<sup>1</sup>

1. **Jahić, Mehmed, Jahić, Haris, Isaković-Kaplan, Ševala i Demirović Lejla: Finansijsko računovodstvo. V i VI izdanje, Sarajevo: Udruženje revizora FBiH, 2018.,2021., 588 str. ISBN: 978-9958-9058-0-3: koautor**

Univerzitetski udžbenik „Finansijsko računovodstvo” pisan je za potrebe studenata na fakultetima i višim školama ekonomskog smjera, računovođa, revizora, ali i svih drugih osoba koje su zainteresirane za izučavanje problematike finansijskog računovodstva ili žele osvježiti svoja ranije stečena znanja iz oblasti računovodstva. Udžbenik sadrži brojne primjere računovodstvene evidencije poslovnih događaja u privrednim društvima proknjižene u skladu sa odredbama važećih Međunarodnih standarda finansijskog izvještavanja, Međunarodnih računovodstvenih standarda i lokalnih zakonskih propisa koji regulišu oblast računovodstva.

2. **Jahić, Haris, Šapina, Hrvoje, Demirović, Lejla i Šapina – Korjenić Marina: „Računovodstvo društava za osiguranje“, Sarajevo, Libertas, 2019., 546 str.graf.prikaz; 24 cm. ISBN 978-9958-532-03-0: koautor**

Univerzitetski udžbenik „Računovodstvo društava za osiguranje“ napisan je za potrebestudenata ekonomskog fakulteta da na što lakši način ovladaju specifičnostima iz oblasti računovodstva i finansijskog izvještavanja u oblasti osiguranja. Također, isti je namijenjen i za sve one koji se prvi put susreću sa problematikom računovodstva u ovim kompanijama. Udžbenik je napisan kroz šest međusobno povezanih cjelina, prikazujući: kratki opis osnovnih pojmova vezanih za osiguranje, okvir djelatnosti osiguranja sa posebnim akcentom na propise koji regulišu oblast računovodstva, praktičnu primjenu kontnog plana društava za osiguranje i prikaz knjiženja poslovnih promjena kroz veliki broj primjera, finansijsko izvještavanje po MSFI i po specifičnim zahtjevima Agencije za nadzor FBiH, problematiku eksterne revizije, interne revizije i nadzora te zakonski okvir društava za osiguranje. Predmetni udžbenik tretira izuzetno složenu problematiku, koju su autori prikazali što jednostavnije i interesantnije s ciljem da čitalac shvati suštinu razmatrane materije, kako bi na taj način doprinijeli unapređenju prakse u oblasti računovodstva i finansijskog izvještavanja u društvima za osiguranje.

3. **Jahić, Mehmed, Demirović, Lejla, Isaković-Kaplan Ševala, Jahić, Haris i Salihović Haladin: Računovodstvo banaka. Štamparija Fojnica d.d. Fojnica, 2020.-XIV, 633 str. ISBN 978-9958-17-174-1: koautor**

Univerzitetski udžbenik „Računovodstvo banaka“ je namijenjen za potrebe izučavanja računovodstva banaka na visokoškolskim ustanovama ekonomskog smjerai svih drugih lica zainteresovanih za bolje razumijevanje tema iz područja računovodstva banaka. Univerzitetski udžbenik „Računovodstvo banaka“ tretira problematiku primjene opštih računovodstvenih principa, kako bi se stekla spoznaja za uspješno rješavanje konkretnih praktičnih problema koji se pojavljuju u računovodstvu banaka, sa gledišta važećihzakonskih i podzakonskih propisa. Isti obuhvata problematiku finansijskog

---

<sup>1</sup>Reference relevantne za vrednovanje prilikom izbora u zvanje prema članovima 96. i 102. Zakona o visokom obrazovanju („Službene novine Kantona Sarajevo“, br. 33/17) su „boldirane“ i kratko opisane (predstavljene) u predmetnom izvještaju.



izvještavanja banaka, bankarske poslove, ostalu bankarsku aktivu, kapital i rezerve, rashode, prihode, finansijski rezultat i vanbilansnu evidenciju, pri čemu sva navedena poglavlja sadrže primjere i knjiženje poslovnih promjena primjenom važećeg Kontnog plana za banke i slične finansijske organizacije na području Federacije Bosne i Hercegovine. Posljednji dio knjige bavi se tematikom rizika u bankarskom poslovanju, sa osvrtom na podzakonske akte koji su propisani od strane Agencije za bankarstvo Federacije Bosne i Hercegovine. Predmetni udžbenik tretira izuzetno akteulenu tematiku, te isti na prostorima BiH predstavlja prvi udžbenik iz područja računovodstva banaka usklađen prema važećem zakonskom i regulatornom okviru, napisan od strane bh. autora.

### *2.1.2. Udžbenici prije izbora u zvanje docenta*

4. Bašić, Meliha, Šapina, Hrvoje i Demirović Lejla: Računovodstvo udruženja i fondacija, Sarajevo: Udruga Libertas: Bosanski kulturni centar, 2012.-324 str. ISBN 978-9958-532-01-6

## 2.2. NAUČNI RADOVI U PUBLIKACIJAMA KOJE PRATE RELEVANTNE MEĐUNARODNE BAZE PODATAKA

### *2.2.1. Radovi nakon izbora u zvanje docenta:*

1. **Jahić, Haris i Demirović Lejla: Analiza kvaliteta aktive banaka primjenom pokazatelja. U: Zbornik radova Univerziteta „Džemal Bijedić“ u Mostaru, Ekonomski fakultet, godina 14, Broj 23, Mostar, decembar 2016., str. 18-26, ISSN 0352-258X (EBSCO Publishing – Business Source Complete): koautor**

Centralna banka Bosne i Hercegovine odredila je ključne pokazatelje finansijskog zdravlja (engl. financial soundness indicators), koji odražavaju trenutno finansijsko zdravlje finansijskih institucija Bosne i Hercegovine. Osnovna svrha izračunavanja pokazatelja finansijskog zdravlja je podrška makro analizi koja predstavlja ocjenu snage i osjetljivosti finansijskog sistema, s ciljem očuvanja finansijske stabilnosti, a posebno spriječavanja moguće propasti finansijskog sistema. Pokazatelji finansijskog zdravlja grupisani su u pet kategorija koje obuhvataju pokazatelje: kvaliteta aktive, kapitala, profitabilnosti, likvidnosti i deviznog rizika. Predmetni rad bavi se analizom kvaliteta aktive primjenom pokazatelja, te isti prikazuje postupak izračuna pokazatelja i objašnjenje značenje svakog dobivenog rezultata. Pokazatelji kvaliteta aktive izračunavaju se na osnovu podataka koje banke objave u svojim finansijskim izvještajima, zasnovanim za zakonskim i regulatornim zahtjevima.

2. **Demirović Lejla, Jahić Haris i Isaković-Kaplan Ševala: Računovodstveni aspekt primjene MSFI 9 u bankarskom sektoru BiH. U: Zbornik radova Univerziteta „Džemal Bijedić“ u Mostaru, Ekonomski fakultet, godina 16, Broj 26, Mostar, juli-decembar 2018., str. 50-65, ISSN 0352-258X (EBSCO Publishing – Business Source Complete) – koautor**

Za potrebe detaljnijeg predstavljanja kompleksnosti i specifičnosti primjene relevantnog zakonodavnog okvira kod mjerenja kreditnog gubitka u bankarskom sistemu Bosne i Hercegovine (BiH), u predmetnom radu autori prezentiraju specifičnosti procjene

kreditnog gubitka prema važećem Međunarodnom standardu finansijskog izvještavanja 9 – Finansijski instrumenti (MSFI 9) i izmjenjenoj podzakonskoj i zakonskoj regulativi: Odluci o minimalnim standardima za upravljanje kreditnim rizikom i klasifikaciju aktive (Odluka), Međunarodnom računovodstvenom standardu 39 – Finansijski instrumenti: priznavanje i mjerenje (MRS 39) i Međunarodnom računovodstvenom standardu 37 - Rezervisanja, potencijalne obaveze i potencijalna imovina (MRS 37) u periodu 2010.-2018.g., te ukazuju na zahtjeve, prednosti i nedostatke primjenjivanih zakonskih i podzakonskih propisa.

- 3. Isaković-Kaplan, Ševala i Demirović Lejla: Izazovi u primjeni Konceptualnog okvira za finansijsko izvještavanje u BiH. U: Pravni i ekonomski aspekti procesa integracije Bosne i Hercegovine u Evropsku uniju: Međunarodna naučna konferencija: Zbornik radova, 20-21.juni 2019. Mostar. (EBSCO Publishing – Business Source Complete) – koautor**

U posljednjem desetljeću Okvir za izradu i prezentaciju finansijskih izvještaja/Konceptualni okvir za finansijsko izvještavanje bio je predmet brojnih izmjena i dopuna, a tekst iz 2018.g. postaje obavezujući za finansijsko izvještavanje društava od 2020.g., uz dopuštenu i raniju primjenu na međunarodnom nivou. Kojom dinamikom Bosna i Hercegovina (BiH) harmonizira relevantni računovodstveni okvir sa računovodstvenom regulativom Evropske Unije i koji izazovi na tom putu očekuju privredne subjekte u BiH predstavlja primarni predmet istraživanja ovog rada. Nažalost, rezultati istraživanja pokazuju neefikasno i neefektivno ažuriranje Okvira za finansijsko izvještavanje u BiH, što se negativno odražava na kredibilitet finansijskih izvještaja bosanskohercegovačkih kompanija.

- 4. Demirović, Lejla, Isaković-Kaplan, Ševala i Jahić Haris: Finansijski efekti računovodstvenog i regulatornog aspekta iskazivanja kapitala u bankarskom sektoru BiH. U: Zbornik radova Univerziteta „Džemal Bijedić“ u Mostaru, Ekonomski fakultet, godina 17, Broj 28, Mostar, decembar 2019., str. 93-109, ISSN 0352-258X. (EBSCO Publishing – Business Source Complete): koautor**

Za potrebe potpune primjene Baselskih principa (Basel I, Basel II i Basel III) i zahtjeva Evropske unije (EU) zakonodavni i podzakonodavni okvir bankarskog sistema Bosne i Hercegovine (BiH) zahtjeva je značajne, ako ne i potpune izmjene. Posmatrajući period posljednjih 20 godina, period 2017.-2018.g. zasigurno važi za period najvećih promjena u bankarskom sektoru BiH. Suština regulatornog okvira definisanog kroz Baselske principe bio je usmjeren na kapital i kapitalne zahtjeve, kako bi se banke dovoljno osigurale i zaštitile od propadanja. Ovaj rad koncipiran je da ukaže na strukturu i specifičnost kapitala banka, kapitalne zahtjeve, primjenu regulatornog okvira prema Sporazumu Basela III, te da ukaže na računovodstveni aspekt kapitala banaka i računovodstveni i porezni efekt prve primjene Međunarodnog računovodstvenog standarda 39 – Finansijski instrumenti: priznavanje i mjerenje (MRS 39) i Međunarodnog standarda finansijskog izvještavanja 9 – Finansijski instrumenti (MSFI 9) na kapital u bankarskom sektoru BiH.

- 5. Isaković-Kaplan, Ševala, Demirović, Lejla i Proho Mahir: Financial Reporting of Business Entities and Ethical Dilemmas of Students in Bosnia and Herzegovina. BH Ekonomski forum – BH Economic Forum, Vol 11, No 2, 2019., p.9-23, ISSN 1986-681X, (Ebscohost, Ceol, Road, Base, ProQuest, CiteFactor Indexing) (link:<https://ef.unze.ba/OJS/index.php/BHF/article/view/175/112>): koautor**

Fer i pouzdano finansijsko izvještavanje privrednih subjekata izuzetno je važno za jačanje povjerenja među privrednim subjektima, djelujući pozitivno na obim realiziranih poslovnih aktivnosti i ostvarene rezultate. S druge strane, zbog prevara u finansijskim izvještajima privrednih društava, velike gubitke trpe pojedinci, privreda i cijelo društvo, posljedično rušeći povjerenje u računovodstvenu profesiju. Očekivanja javnosti od računovodstvene profesije jesu da njeni profesionalci svjesno odbiju učešće u bilo kakvim prevarnim aktivnostima, te budu istinski borci za istinito finansijsko izvještavanje društava. U svjetlu navedenih očekivanja, predmetni rad nastoji sagledati sposobnost studenata ekonomskog usmjerenja u Bosni i Hercegovini u prepoznavanju slučajeva lažnog finansijskog izvještavanja među različitim situacijama koje mogu uključivati prevarne karakteristike, kao i njihovu spremnost da uzmu aktivno učešće u borbi protiv prevara u privrednim društvima i privrednog kriminala, općenito. Rezultati istraživanja pokazali su da učesnici istraživanja jasno prepoznaju slučajeve lažnog finansijskog izvještavanja među različitim prevarnim aktivnostima, da imaju visoku izraženu svjesnost u pogledu ozbiljnosti navedene vrste prevare i negativnih posljedica koje ista uzrokuje za društva, te da oni iskazuju bezrezervnu spremnost prijave navedenih slučajeva nadležnim organima za potrebe procesuiranja.

- 6. Demirović, Lejla i Piralić Amela: Uloga skupnih pokazatelja analize finansijskih izvještaja u procesu upravljanja poslovnog odlučivanja. U: Zbornik radova Univerziteta „Džemal Bijedić“ u Mostaru, Ekonomski fakultet, godina 18, Broj 29, Mostar, 2020., str. 153-169, ISSN 0352-258X. (EBSCO Publishing – Business Source Complete): koautor**

Poslovno odlučivanje zasniva se na pravovremenim, sadržajnim i kvalitetnim informacijama koje će poslužiti kao osnova za adekvatnu odluku. U procesu donošenja poslovnih odluka značajne su nefinansijske informacije, međutim u većini slučajeva finansijske informacije su ključne. U ovom radu autorice su ukazale na mogućnost korištenja informacija iz finansijskih izvještaja kroz skupine prognostičkih indikatora kako bi se jednostavnije i efikasnije moglo upravljati kompanijom i njenim poslovnim procesima, ali i kako bi se olakšao proces donošenja poslovnih odluka. U ovom radu provedeno je istraživanje na 100 kompanija tržišta kapitala Bosne i Hercegovine uključujući finansijske izvještaje za period 2013.-2018. godina. Istraživanje je pokazalo da postoje značajne oscilacije u rezultatima koji se dobiju individualnim, tradicionalnim, ali i skupim indikatorima poslovanja i cjelokupnom slikom poslovanja kompanije kroz finansijske i revizijske izvještaje. Prema istraživanju, autorice ističu da postoji potreba kontinuiranog i detaljnog istraživanja sistema finansijskog izvještavanja i javnog objavljivanja finansijskih izvještaja, sa ciljem identifikovanja skupnih indikatora koji će realno i pouzdano odražavati stanje i uspješnost poslovanja ali imati i prognostičku moć potrebnu za proces upravljanja i poslovnog odlučivanja.

- 7. Demirović, Lejla, Isaković-Kaplan, Ševala, i Piralić Amela: Upravljanje rizikom likvidnosti banaka primjenom regulatornih zahtjeva. U: Zbornik radova Univerziteta „Džemal Bijedić“ u Mostaru, Ekonomski fakultet, godina 19, Broj 30, Mostar, 2021., str. 103-116, ISSN 0352-258X. (EBSCO Publishing – Business Source Complete): koautor**

U cilju detaljnijeg upoznavanja sa složenim i specifičnim regulatornim zahtjevima upravljanja rizikom likvidnosti u bankarskom sektoru Bosne i Hercegovine (BiH), u ovom



su prezentirane specifičnosti koje se odnose na tehnike upravljanja rizikom likvidnosti banaka, a koje su usklađene sa zahtjevima regulatornog okvira. Kada se govori o riziku likvidnosti, zahtjevi supervizora, agencija za bankarstvo (Agencija za bankarstvo Federacije Bosne i Hercegovine - FBA i Agencija za bankarstvo Republike Srpske - ABRS) nisu definisani kroz jedinstven zakonski i podzakonski okvir, već su isti propisani kroz više podzakonskih akata, što dodatno otežava posao upravljanja rizikom likvidnosti. U ovom radu autori su ukazali na značaj likvidnosti u poslovanju banaka sa jedne strane, kao i na značaj upravljanja rizikom likvidnosti sa druge strane. Uspješno upravljanje rizikom likvidnosti podrazumijeva poznavanje tehnika/mehanizama upravljanja istim uz obaveznu primjenu zahtjeva regulatornog okvira.

8. **Piralić, Amela, Poljašević, Jelena, Jahić, Haris i Lejla Demirović: Procjena kvaliteta finansijskih izvještaja na osnovu ključnih elemenata izvještaja. U: Zbornik radova Univerziteta „Džemal Bijedić“ u Mostaru, Ekonomski fakultet, godina 19, Broj 31, Mostar, 2021., str. 37-52, ISSN 0352-258X. (EBSCO Publishing – Business Source Complete): koautor**

Kvalitet finansijskih informacija jedna je od ključnih odrednica izbora informacione podloge za donošenje efikasnih poslovnih odluka. Procjena kvaliteta kao nefinansijskog elementa finansijskih informacija kompleksan je zadatak te je potrebno sagledati niz faktora djelovanja na kvalitet. Faktore procjene kvaliteta moguće je posmatrati sa aspekta oscilacija elemenata finansijskih izvještaja i sa aspekta pozicije i uloge kreatora finansijskih izvještaja u pripremi i prezentaciji finansijskih informacija u izvještajima. Modeliranje i generalizacija faktora koji djeluju na kvalitet finansijskih informacija zahtjeva procjenu svih faktora i uključivanje ključnih u proces modeliranja. Ovaj rad prezentuje procjenu kvaliteta na osnovu prezenovanih elemenata finansijskih izvještaja i ključnih analitičkih pokazatelja, te je kreiran model koji na jednostavan način pruža mogućnost brze procjene stepena kvaliteta finansijskih izvještaja. Izrada modela zasnovana je na analizi finansijskih izvještaja kompanija iz BiH čijim se vrijednosnim papirima trgovalo na sarajevskoj i banjalučkoj berzi u periodu od 2013. – 2018. godine, te koje su javno objavile sve elemente finansijskih izvještaja kontinuirano u posmatranom periodu. Kreirani model jeste model binomne logističke regresije u kojem je zavisna varijabla kvalitet finansijskih izvještaja dok su ključni, karakteristični elementi finansijskih izvještaja kompanija u posmatranom periodu nezavisne varijable modela. Obrada podataka u ovom radu urađena je korištenjem softverskog paketa SPSS v.21.

9. **Demirović, Lejla, Isaković-Kaplan, Ševala, i Proho Mahir: Internal Audit Risk Assessment in the Function of Fraud Detection. Journal of Forensic Accounting Profession, Volume 1 (2021): Issue 1 (June 2021) Published Online: 17 Jul 2021, Page range: 35 – 49. (link:<https://sciendo.com/article/10.2478/jfap-2021-0003>): koautor**

Sve učestalije pojave nezakonitih radnji i prevara prisutne su u poslovanju pravnih lica, što se direktno odražava na kvalitet informacija prezentiranih u finansijskim izmještajima. Interna revizija primarno se ne bavi revizijom finansijskih izvještaja, ali kroz provjeru primjene računovodstvenih politika i procedura pomaže u sticanju razumnog uvjerenja da su finansijski izvještaji pouzdani i da su isti fer prezentirani. Uloga interne revizije u postupku otkrivanja prevara ogleda se kroz procjenu rizika prevara u postupku planiranja rada interne revizije, te kroz obavljanje radnih angažmana na otkrivanju istih. U ovom radu autori su prikazali tehnike procjene rizika, koje interni revizor može da primjeni kod kvantitativne i kvalitativne procjene rizika prevara, te kod utvrđivanja prioriternih područja/procesa revidiranja. Ovaj rad ukazuje na značajnost uloge interne revizije, kroz



primjenu tehnika, alata i propisane odgovornosti procjene rizika, u postupku otkrivanja prevara u preduzećima koje svakodnevno donose nesagledive štete.

10. **Isaković-Kaplan, Ševala, Demirović, Lejla i Proho Mahir: Benford's Law in Forensic Analysis of Income Statements of Economic Entities in Bosnia and Herzegovina. Croatian Economic Survey: Vol.23, No.1:June 2021: pp.31-61. Doi: 10.15179/ces.23.1.2 (Scopus) (link: <https://hrcak.srce.hr/258357>): koautor**

Otkrivanje prevara u finansijskim izvještajima privrednih subjekata primarni je zadatak forenzičnih računovođa. Predmetni rad analizira mogućnosti primjene Benfordovog zakona u forenzičnoj analizi finansijskih izvještaja privrednih subjekata u Bosni i Hercegovini. Fenomen prve cifre, poznatiji kao Benfordov zakon, pokazuje da mnoge prirodne pojave prate logaritamsku distribuciju vjerovatnoća pojavljivanja cifri. U posljednje vrijeme brojna istraživanja u oblasti računovodstva i revizije potvrđuju da i računovodstveni podaci prate Benfordov zakon. Ovo saznanje može pomoći forenzičnim računovođama u identifikaciji podataka koji ne prate pomenutu distribuciju, odnosno kao indikatori manipulacija u finansijskim izvještajima. Rezultati provedenog istraživanja potvrdili su da pozicije prihoda i rashoda prezentirane u finansijskim izvještajima privrednih subjekata u BiH načelno prate Benfordov zakon, ali i inicirali potrebu povećanog opreza i provođenja dodatnih forenzičnih istraga za određene pozicije iz finansijskih izvještaja.

11. **Isaković-Kaplan, Ševala, Muratović-Dedić, Ajla, Demirović, Lejla i Pločo, Selma: Forensic Review of Financial Statements of Legal Entity Tuš-Trade, Journal of Forensic Accounting Profession 2021, (Published Online: 18 Jan 2022), 64-79, DOI: 2744-1687 (link: <http://3.125.3.46/issue/JFAP/1/2>): koautor**

Veliki korporativni skandali u SAD-u i Evropi, s početka XXI stoljeća, poput Enrona, Parmalata, WorldComa i brojni drugi ozbiljno su uzdrmali povjerenje javnosti u rad i prezentirane rezultate rada revizora. Posljedično, mnoge države prepoznale su potrebu uvođenja forenzičnog računovodstva, kao naprednijeg i pouzdanijeg oblika zaštite od manipulativnog finansijskog izvještavanja privrednih društava, te su računovodstvenu profesiju upotpunile zvanjem forenzičnog računovođe, kao aktivnog borca protiv različitih vrsta prevara u privrednim društvima. Nažalost, novi Zakon o računovodstvu i reviziji Federacije Bosne i Hercegovine nije predvidio sticanje zvanja forenzičnog računovođe. Paralelno, svjedoci smo brojnih slučajeva privrednih skandala u Bosni i Hercegovini, a slučaj trgovačkog društva Tuš – Trade d.o.o. Bihać koje je 2014.godine naprasno prestalo poslovati, ostavljajući neizmirene milionske obaveze iza sebe, izazvao je veliku pažnju javnosti. Autori predmetnim radom žele odgovoriti na pitanje da li je forenzični pregled finansijskih izvještaja mogao ranije ukazati na rizična područja finansijskog izvještavanja u predmetnom društvu, te eventualno smanjiti gubitke koji su uslijedili stečajem istog.

### *2.2.2. Radovi prije izbora u zvanje docenta:*

12. **Džaferović, Ramiz i Demirović Lejla: Računovodstveni aspekt prestanka priznavanja finansijskih sredstava i pravne posljedice. Zbornik radova, broj 17 Mostar: Univerzitet „Džemala Bijedića“ Ekonomski fakultet u Mostaru, 2012. Vol. 22, pp. 136-157. ISSN: 1512-8377: koautor.**

13. Bašić, Meliha, Jahić, Haris i Demirović Lejla: Analysis of causes and effects of applying IAS and IFRS in case of mergers and acquisitions of banks in the Federation of Bosnia and Herzegovina. Conference ICSD 2013 Tirana, The Conference theme is: "Creating a unified foundation for the Sustainable Development: research, practice and education", (2013), 2, 4. European Journal of Sustainable Development 2013. pp. 149-162 ISSN: 2239-5938: koautor
14. Jahić, Haris i Demirović Lejla: Adekvatnost kapitala i likvidnost u sjeni primjene Basel III standarda u Bosni i Hercegovini. U: Zbornik radova Univerziteta „Džemal Bijedić“ u Mostaru, Ekonomski fakultet, godina 12, Broj 20, Mostar, januar - decembar 2014., str. 114-132, ISSN 1512-7613 (EBSCO Publishing – Business Source Complete):autor
15. Bašić, Meliha, Ribić, Mirjana, Demirović, Lejla i Bajraktarević Erna - The role of PIFC implementation on internal auditing and control development and its impact for BiH public sector reform. 7th International Conference of the School of Economics and Business Conference Proceedings: International Conference of the Faculty of Economics Sarajevo ICES 2014. October 13-14. 2014; Sarajevo: Faculty of Economics, 2014. str. 243-245. ISBN 978-9958-25-093-4: koautor
16. Kurtanović, Senada i Demirović Lejla: Uticaj računovodstvenih politika rizika plasmana sredstava na finansijski rezultat banaka u BiH, 2015 Vol. 14, pp. 65-74. Zbornik radova, Univerzitet „Džemala Bijedića“ u Mostaru Ekonomski fakultet, januar-decembar 2015, ISSN: 1512-7613. Izvorni naučni rad UKD 657.1/.3:336.711(497.6): koautor

### 2.3. NAUČNI RADOVI U ZBORNICIMA KOJE PRATE RELEVANTNE BAZE PODATAKA (KONGRESI, SIMPOZIJI, SAVJETOVANJA)

#### 2.3.1. Radovi nakon izbora u zvanje docenta:

17. **Demirović, Lejla i Hadrović Lejla. „Proces planiranja interne revizije u bankama“.** U: Zbornik radova „Interni revizor“ 2018, Akademska-strukovno udruženje internih revizora u BiH. Godina I., Br. 1., Sarajevo, 2018. str. 156-179. ISSN 2566-4379: koautor

Interna revizija predstavlja dio nadogradnje uspostavljenih sistema internih kontrola i internih procedura, kako bi se osigurala što je moguće veća usaglašenost procesa poslovanja sa usvojenim politikama i procedurama poslovanja banke. Interna revizija treba biti zasnovana na osnovnim principima interne revizije, kao što su: nezavisnost, nepristrasnost i objektivnost, profesionalna stručnost, definisanje obima rada, pristup informacijama i slično. Sam proces rada interne revizije obuhvata sljedeće poslove: planiranje, ispitivanje, procjena dobivenih informacija, sumiranje rezultata revizije, davanje preporuka, praćenje realizacije preporuka i sačinjavanje izvještaja o svakoj pojedinačnoj reviziji. U ovom radu autori su prikazali model planiranja rada interne revizije bankarskog sektora, ukazujući na važnost, složenost i karakteristike samog procesa planiranja odnosno sačinjavanja strateškog i godišnjeg plana rada interne revizije.

18. Ibrahimagić, Sabina i Demirović Lejla. „U potrazi za vrijednošću koju funkcija (aktivnost) interne revizije dodaje ključnim stakeholderima i njezinom efektivnošću – pregled literature“. U: Zbornik radova "Interni revizor" 2021. Akademsko-strukovno udruženje internih revizora u BiH. Godina IV., Br. 4., Sarajevo, 2021. str. 125-150. ISSN 2566-4379: koautor

Akademski istraživači mišljenja su da je 21. stoljeće bez presedana posvećeno internoj reviziji, posebice danas to možemo sa sigurnošću reći kada kročimo gotovo u četvrtinu njegova odmaka i kada se sve više ukazuje na prijeku potrebu razvijanja istraživanja o internoj reviziji. Kao nezavisna i objektivna funkcija pružanja angažmana sa izražavanjem uvjerenja i konsultantskih aktivnosti, interna revizija osmišljena je kako bi dodala vrijednost kroz reviziju sistema internih kontrola, upravljanja rizicima i procesa upravljanja. Interni revizori i funkcije interne revizije pokušavaju - neki više od drugih - da pronađu uvjerljive odgovore na jedno temeljno pitanje: Koja je dodana vrijednost interne revizije i kakva je njezina efektivnost u specifičnom organizacijskom kontekstu? Ovo pitanje ima svoju težinu kako na mikro tako i na makro nivou, kao i za ključne stakeholdere i od posebne je važnosti za interne revizore i njihovu profesiju. Mora se primjetiti da istraživanje interne revizije, nažalost, rijetko odgovara konceptu dodane vrijednosti i njezinoj efektivnosti definiranim u temeljnim odgovornostima. Na temelju definicije, misije i dodatnog objašnjenja funkcije interne revizije, čini se da je dodana vrijednost na prvi pogled jasna. Ipak, budući da su potencijalna područja u kojima se interna revizija može koristiti toliko raznolika, rasprava o dodanoj vrijednosti i efektivnosti trebala bi se usredotočiti na konkretne aktivnosti koje je izvršila i rezultatima koje je donijela funkcija interne revizije, na posebnim potrebama stakeholdera i ulogama koje funkcija interne revizije mora ispuniti. Autorice su kroz ovaj rad predstavile pregled literature, istaknule moguće perspektive rasprave o dodanoj vrijednosti i efektivnosti interne revizije te pomoći u definiranju budućih pravaca istraživanja.

#### *2.3.2. Radovi prije izbora u zvanje docenta:*

19. Bašić, Meliha, Jahić, Haris i Demirović Lejla: Efekti spajanja i pripajanja banaka u Federaciji Bosni i Hercegovini. Sarajevo: Udruženje – Udruga računovođa i revizora Federacije BiH „XV Međunarodni simpozij“ u Neumu, 20-22.IX 2012. godine, str. 483. koautor

### 2.4.STRUČNI RADOVI U PUBLIKACIJAMA

#### *2.4.1. Radovi nakon izbora u zvanje docenta:*

1. Jahić, Haris, Demirović, Lejla i Boloban Edis: Računovodstveni tretman priznavanja i mjerenja rezervisanja za kreditne plasmane kod banaka, Pravo i finansije - Časopis za pravnu i ekonomsku teoriju i praksu, broj 12/I, decembar/prosinac 2017. godine, REC, Sarajevo, ISSN 2490-3590;koautor
2. Jahić, Mehmed, Isaković-Kaplan, Ševala, Demirović, Lejla i Jahić Haris. Računovodstveni aspekt „ispravke“ PDV-a. Pravo i finansije - Časopis za pravnu i ekonomsku teoriju i praksu, broj 5, maj/svibanj 2021. godine, REC, Sarajevo, ISSN 2490-3590; koautor

#### *2.4.2. Radovi prije izbora u zvanje docenta:*

3. Demirović, Lejla: Praktičan primjer pregleda dovršenog angažmana, Stručni časopis Udruženja - udruge revizora u FBiH – Revizija - URF BiH, broj 4 maj/svibanj 2016. , ISSN 1840-0760; autor

#### 2.5. UČEŠĆE NA NAUČNIM I STRUČNIM KONFERENCIJAMA

##### *2.5.1. Učešće nakon izbora u zvanje docenta:*

1. **Isaković-Kaplan, Ševala i Demirović Lejla: Izazovi u primjeni Konceptualnog okvira za finansijsko izvještavanje u BiH. U: Pravni i ekonomski aspekti procesa integracije Bosne i Hercegovine u Evropsku uniju: Međunarodna naučna konferencija: Zbornik radova, 20-21.juni 2019. u Mostaru u organizaciji Ekonomski i Pravni fakultet Univerziteta „Džemal Bijedić“ u Mostaru i Ekonomski fakultet Univerziteta u Zenici.**
2. **Piralić, Amela, Poljašević, Jelena, Jahić, Haris i Lejla Demirović: Procjena kvaliteta finansijskih izvještaja na osnovu ključnih elemenata izvještaja. U: Pravni i ekonomski aspekti procesa integracije Bosne i Hercegovine u Evropsku uniju: Međunarodna naučna konferencija: Zbornik radova, 14-15.oktobra 2021. godine u Mostaru u organizaciji Ekonomski i Pravni fakultet Univerziteta „Džemal Bijedić“ u Mostaru i Ekonomski fakultet Univerziteta u Zenici.**
3. **Isaković-Kaplan, Ševala, Muratović-Dedić, Ajla, Demirović, Lejla i Pločo, Selma: Forensic Review of Financial Statements of Legal Entity Tuš-Trade. 1. konferencija iz oblasti forenzičnog računovodstva, pod nazivom "Trendovi i izazovi u borbi protiv prevara i privrednog kriminala", 14.oktobar 2021. Ekonomski fakultet u Sarajevu**

##### *2.5.2. Učešće prije izbora u zvanje docenta:*

4. Bašić, Meliha, Jahić, Haris i Demirović Lejla: Efekti spajanja i pripajanja banaka u Federaciji Bosni i Hercegovini. Sarajevo: Udruženje – Udruga računovođa i revizora Federacije BiH „XV Međunarodni simpozij“ u Neumu, 20-22.IX 2012. godine
5. Bašić, Meliha, Jahić, Haris i Demirović Lejla: Analysis of causes and effects of applying IAS and IFRS in case of mergers and acquisitions of banks in the Federation of Bosnia and Herzegovina. Conference ICSD 2013 Tirana, The Conference theme is:"Creating a unified foundation for the Sustainable Development: research, practice and education", (2013), 2, 4. European Journal of Sustainable Development 2013.
6. Bašić, Meliha, Ribić, Mirjana, Demirović, Lejla i Bajraktarević Erna - The role of PIFC implementation on internal auditing and control development and ist impact for BiH public sector reform. 7th International Conference of the School of Economics and Business Conference Proceedings: International Conference of the Faculty of Economics Sarajevo ICES 2014. October 13-14. 2014; Sarajevo: Faculty of Economics.



## *2.6. PROJEKTI*

- 1. Demirović, Lejla, Isaković-Kaplan, Ševala, i Proho Mahir: Interna revizija: Metodologija rada, procjene rizika i planiranja interne revizije AS Holding d.o.o. Tešanj. Projekat za društvo AS HOLDING d.o.o. Tešanj, (nosilac/voditelj Projekta).**

Projekat Interna revizija: Metodologija rada, procjene rizika i planiranja interne revizije AS Holding d.o.o. Tešanj se smatra važnim dokumentom, a namijenjen je Internoj reviziji društva AS Holding d.o.o. Tešanj i članica sa ciljem poboljšanja kvaliteta njihovog rada i poboljšanja sistema internih kontrola. Uzimajući u obzir zakonske zahtjeve, te zahtjeve poslovne politike društva AS Holding d.o.o. Tešanj i članica. Ovaj Projekat treba shvatiti kao svojevrsan proces koji se tokom rada interne revizije treba stalno unaprjeđivati i dopunjavati novim procedurama u zavisnosti od izmjena propisa koji regulišu poslovanje kojim se AS Holding d.o.o. Tešanj i njegove članice bave.

- 2. Isaković-Kaplan, Ševala, Demirović, Lejla i Proho Mahir: Forenzično računovodstvo: Program prevencija prevara AS Holding d.o.o. Tešanj. Projekat za društvo AS HOLDING d.o.o. Tešanj, (saradnik na Projektu).**

Predmetni projekat omogućava AS Holding-u d.o.o. Tešanj primjenu osnovnih analitičkih postupaka forenzične analize finansijskih izvještaja radi pravovremene identifikacije rizičnih područja finansijskog izvještavanja u društvima, članicama grupacije. U Projektu je urađena forenzična analiza članice Klas d.d. u periodu od 2017.-2019. Horizontalnom, vertikalnom i racio analizom uočen je blagi rast poslovnog rezultata uz pogoršanje koeficijenta likvidnosti i stabilnosti. Primjenom prognostičkih finansijskih modela koji se koriste u forenzičnom računovodstvu dobijamo usaglašene rezultate. U Projektu je razmatrana implementacija mjera koje utiču na smanjenje rizika od prevara zaposlenih. Prije svega, svako društvo treba imati usvojen Kodeks poslovne etike koji definiše pravila ponašanja i proklamuje etička načela i vrijednosti koje trebaju biti usađene u svakog zaposlenog.

## *2.7. MENTORSTVO NA II CIKLUSU STUDIJA*

- 1. Mujčić, Lamija: Računovodstveni razlozi uvođenja specijalne revizije u budžetskim organizacijama: završni rad II ciklusa studija; mentor doc. dr Lejla Demirović. – Sarajevo: Ekonomski fakultet, 2021.**
- 2. Sultić, Azra: Specifičnosti finansijskih izvještaja banaka sa aspekta računovodstva: završni rad II ciklusa studija; mentor doc. dr Lejla Demirović. – Sarajevo: Ekonomski fakultet, 2021.**
- 3. Kapetanović, Orhan: Konverzija dividende u besplatne dionice: završni rad II ciklusa studija; mentor doc. dr Lejla Demirović. – Sarajevo: Ekonomski fakultet, 2021.**
- 4. Halaba Varenikić, Arnela: Računovodstvo budućnosti-savremeni koncept računovodstva: završni rad II ciklusa studija; mentor doc. dr Lejla Demirović. – Sarajevo: Ekonomski fakultet, 2022.**

## 2.8.RECENZIJE

Recezent časopisu Ekonomska misao i praksa, Sveučilište u Dubrovniku, Branitelja Dubrovnika 29, 20000 Dubrovnik, Croatia.

## 3. NASTAVNO – PEDAGOŠKI RAD

Demirović dr. Lejla je na Ekonomskom fakultetu Univerziteta u Sarajevu u nastavnom procesu angažovana od 2009.godine i izvodila je nastavu iz više predmeta iz oblasti Računovodstva i revizije na prvom i drugom ciklusu studija. Kandidatkinja je u periodu 2009-2016. godina bila zaposlena na Ekonomskom fakultetu na nepuno radno vrijeme, te je u istom periodu bila zaposlena na poslovima računovodstva i finansijskog izvještavanja u Razvojnoj banci Federacije Bosne i Hercegovine. Kandidatkinja je od 2016. godine zaposlena na Ekonomskom fakultetu puno radno vrijeme. Dodatno, kandidatkinja je kontinuirano angažovana u nastavnom procesu programa za sticanje zvanja ovlašteni interni revizor (privreda; finansijske institucije: banke i osiguravajuća društva; javni sektor) u organizaciji Akademsko strukovnog udruženja internih revizora Bosne i Hercegovine.

U svom dosadašnjem nastavno-pedagoškom radu dr. Lejla Demirović je stekla zavidno pedagoško iskustvo i ostvarila dobre rezultate u komunikaciji sa studentima. Kandidatkinja i pored velike opterećenosti u nastavnom procesu permanentno unapređuje i inovira izvođenje nastave na predmetima za koje je zadužena. Dr. Lejla Demirović je u saradnji sa predmetnim nastavnicima i saradnicima pripremala nastavni materijal za izvođenje nastave iz predmeta Računovodstvo finansijskih institucija, Finansijsko računovodstvo, Budžetsko računovodstvo i izvještavanje, a što je rezultiralo izradom udžbenika za navedene predmete.

## 4.PRIJEDLOG SA OBRAZLOŽENJEM

Uvidom u dokumentaciju koju je dr. Lejla Demirović dostavila uz prijavu na Konkurs, Komisija konstatuje da je:

- Kandidatkinja dr. Lejla Demirović uz prijavu priložila sve potrebne dokumente za izbor u zvanje vanrednog profesora u skladu sa uslovima utvrđenim Konkursom od 21.07.2022.godine.
- Na osnovu uvida u dostavljene dokumente kandidatkinje dr. Lejle Demirović Komisija je konstatovala da kandidatkinja ispunjava sve uslove za izbor nastavnika u zvanje vanredni profesor na oblast „Računovodstvo i revizija“.

Pored prethodno navedenih formalnih uslova ispunjavanja Konkursa članovi Komisije posebno ističu da kandidatkinja dr. Lejla Demirović ima bogato - trinaestogodišnje iskustvo u nastavnom procesu na predmetima iz oblasti „Računovodstva i revizije“ (sedam godina nepuno radno vrijeme i šest godina puno radno vrijeme), te devetogodišnje iskustvo rada na poslovima računovodstva i izvještavanja u banci.

Izvođenjem nastave, učestvovanjem u svim oblicima nastavnog procesa, inoviranjem nastavnih i pedagoških metoda i svojim ljudskim kvalitetima i odnosu prema studentima, kandidatkinja dr. Lejla Demirović je značajno doprinijela obrazovanju studenata iz oblasti „Računovodstvo i revizija“ na Ekonomskom fakultetu Univerziteta u Sarajevu.

Na osnovu prethodno izloženih relevantnih činjenica, koje se odnose na rezultate postignute u nastavnom, pedagoškom, naučnom i istraživačkom radu, Komisija konstatuje i jedinstvena je u mišljenju da kandidatkinja dr. Lejla Demirović ispunjava sve uslove predviđene Zakonom o visokom obrazovanju Kantona Sarajevo i Statuta Univerziteta u Sarajevu za izbor u zvanje vanredni profesor na oblast „Računovodstvo i revizija“, u punom radnom vremenu.

Stoga, Komisija, sa zadovoljstvom, predlaže Vijeću Univerziteta u Sarajevu - Ekonomskog fakulteta da

kandidatkinju DEMIROVIĆ dr.LEJLU

izabere u zvanje VANREDNI PROFESOR na oblast RAČUNOVODSTVO I REVIZIJA sa punim radnim vremenom.

Sarajevo, 19.09.2022.godine

Komisija:

1. Prof. dr.Meliha Bašić, predsjednik

---

2. Prof. dr.Haris Jahić, član

---

3. Prof. dr.Ševala Isaković-Kaplan, član

---